

КӨДЛМШЧНРИН БÄÄДЛ ЯСРУЛХМН

Приютненск райо̀на 4-ч но-
мертә совхозин машинн-трак-
торн паркд 70 трактор, 28 ком-
байн болн нань чигн олн-зүсн
селәнә эдл-ахун машид бәәнә.
Эн машид ик зунь ясгдв. Тех-
никиг үвлин цагла хадтълхин
кергт сән белдвр кеджәцхәнә.

Механическ мастерскойд
көдлджәх урчуд болн көдлм-
шчнр өдр болгын дала олн-
зүсн детальмуд кедж, теегт
көдлджәх трактормудиг болн
машидиг эвдрл уга көдллгъ
тетгдж, эв-аргыннь олна.

Төрскнә дәәнә инвалид үр
Барсуков Иван Степанович эн
совхозд 12 джил көдлдж йов-
на. Механическ мастерскойд
терүг слесарь болдж көдлхәр
ирхд, нег чигн урн күн энүнд
уга бәәсмн. Иван Степанович
слесарь болдж көдлә бәәдж,
бәәрн газрин багъчудт урн
эрдм дасхдж, кесг слесарьмүд
белддж гаргъв.

Барсуков Иван Степанови-
чин дасхдж гаргьсн урчуд
үүрмүд Прудников Егор, Си-
нявский Иван, Болтенко Иван
болн нань чигн механизатор-

муд көдлмшән сәәнәр кедж
йовцхана.

4-ч номертә совхозин меха-
низатормуд, техникиг яслгъна
көдлмшиг шунмгъагъар кедж
күцәсн төләдән кесг дакдж
мөнъгәр мөрәлгдцхäv. Ода эдн
трактормуд, комбайнс болн се-
ләнә эдл-ахун нань чигн
машид яслгъна көдлмш кеджә-
цхәнә.

Мастерскойд көдлджәсн ул-
син бәәдл джиргълд совхозин
гардачнр оньган сәәнәр өгсн
болхла—эднә көдлмшин ашнь
улм сән болх билә. Болв, сов-
хозин гардачнр, мастерскойд
көдлджәх улсин кесн көдлм-
шин кемджәг цаглань диглдж
гаргъл уга бәәсн учр деерәс,
өдртән кедү көдлмш кесән
медхш.

Совхозин рабкооп көдлмш-
чнриг хот-хоолар, эд-таврар
муугъар теткнә. Лавкд хот-хол,
эд-тавр болн әмтнд кергтә нань
чигн хамг тоот орхш. Эн хам-
гиг ясрулхин кергт Приютне-
нск райпотребсоюзин ахлач
оньган өгх зөвтә.

А. БУРМИСТРОВА.